

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-5300/24  
Sarajevo, 06.5.2024. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

## **ODLUKU**

### **Izvođenje radova na izgradnji šetališta na Dobrinji uz rijeku Dobrinju - II faza**

#### **I**

Prihvata se preporuka Komisije za javnu nabavku radova i okvirni sporazum u postupku javne nabavke - Izvođenje radova na izgradnji šetališta na Dobrinji uz rijeku Dobrinju - II faza, broj obavještenja 422-1-3-19-3-46/24 objavljeno na Portalu javnih nabavki BiH dana 22.02.2024.godine i u “Službenom glasniku BiH” – Oglasnik javne nabavke broj 16/24, dodjeljuje se grupi ponuđača „OXA” d.o.o. Sarajevo i “TELEFONGRADNJA” d.o.o. Sarajevo sa ponudom u iznosu od 298.379,55 KM bez PDV-a, odnosno 349.104,07 KM sa PDV-om.

#### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

#### **III**

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

### **Obrazloženje**

Odlukom broj Odlukom broj 02/12-19-5300/24 od 20.02.2024.godine Općina Novi Grad Sarajevo pokrenula je otvoreni postupak javne nabavke – Izvođenje radova na izgradnji šetališta na Dobrinji uz rijeku Dobrinju - II faza, broj obavještenja 422-1-3-19-3-46/24 objavljeno na Portalu javnih nabavki BiH dana 22.02.2024.godine i u “Službenom glasniku BiH” – Oglasnik javne nabavke broj 16/24.

Zapisnikom o otvaranju ponuda od 15.3.2024. godine Komisija je konstatovala da su u predviđenom roku u propisno upakovanim kovertama pristigle dvije (2) ponude ponuđača:

1. Grupa ponuđača “OXA” d.o.o. Sarajevo i “TELEFONGRADNJA” d.o.o. Sarajevo“
2. „DINALSA“ d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je konstatovala da dostavljena ponuda ponuđača „DINALSA“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (b) tehnička i profesionalna sposobnost - *da je jedno lice FSS građevinske ili arhitektonske struke u radnom odnosu na neodređeno vrijeme zaposleno kod ponuđača sa položenim*

stručnim ispitom i radnim iskustvom od najmanje 5 /pet/ godina, a što se dokazuje shodno tački 3.4.2. pod b) tenderske dokumentacije: Dokaz izdat od PIO ili MIO ili Porezne uprave da ponuđač u radnom odnosu na neodređeno vrijeme ima zaposlenog jednog diplomiranog inženjera - građevinske ili arhitektonske struke sa datumom izdavanja ne starijim od 30 dana računajući od dana utvrđenog kao krajnji rok za predaju ponuda (original ili ovjerena kopija).

Ponuđač "DINALSA" d.o.o. Sarajevo je na stranici 34. ponude dostavio je Listu osiguranih lica koju je izdala Porezna uprava FBiH-Porezna ispostava Ilidža broj 13-9/5-12-42-1495-1/24 od 13.3.2024.godine, gdje je navedeno lice za koje je dostavljena i prateća dokumentacija tražena navedenom tačkom tenderske dokumentacije, gdje se vidi da je lice prijavljeno na neodređeno vrijeme zaposleno sa VSS - viša stručna sprema, a ne VSS kako je to traženo ovom tenderskom dokumentacijom. Nadalje, Komisija je utvrdila da je ponuđač kao dokaz da ispunjava uslove iz navedene tačke tenderske dokumentacije dostavio kopiju diplome za zaposlenog inženjera na neodređeno vrijeme koju je izdao Internacionalni univerzitet u Travniku. Uvidom u dostavljenu diplomu Komisija je utvrdila da se odnosi na stečenu akademsku titulu magistar građevinarstva i arhitekture sa ostvarenih 60ECTS bodova, a ne na diplomu koja se odnosi na dodiplomski studij VSS diplomirani inženjer arhitektonske ili građevinske struke.

Shodno naprijed navedenom Komisija je donijela preporuku za zaključenje okvirnog sporazuma za predmetnu nabavku sa grupom ponuđača "OXA" d.o.o. Sarajevo i "TELEFONGRADNJA" d.o.o. Sarajevo".

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešanić, sekretar Komisije



#### **DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova



Općinski načelnik

mr. Samir Efendić